

摘藻堂四庫全書薈要

集部

欽定四庫全書薈要卷一萬三千四百九十一

集部

御製詩三集卷六十二

古今體一百二十七首

丁亥二

新正恭奉

皇太后幸御園即景得句

慶節行春吉日諏

鳳輿虔奉御園遊
欣看柳陌輕黃染
惜少西山積素留
安得六花即優霈
庶幾二麥卜佳收
聲聲爆竹胥鳴喜

吾喜由來在雪酬

益春書屋

欲知春益處書屋遞先機
柳眼蓄將放梅胎含漸肥
貞元運有代消息理無違
不出韋編蘊開函驗始微

煙月清真樓口號

春月春煙萃景新不誇佳麗尚清真
輕籠淡照三千界似笑華燈賞節人

迎步廊

向陽階砌草將萌
避冷簾櫳梅正榮
幾曲迴廊閒散步
恰如春意傍人迎

抱樸草堂

軒楹近覺厭華靡
潔治書堂覆草茅
欲擬幽人猶未得
敢言古帝恐成淆
閒披芸簡窓前朗
靜聽松風戶外敲
津逮漫言由李葛
仙家與我却無交

陶嘉書屋

漫嫌桃李遲清詠
自有詩書伴靜遨
會得乾元資始意

幾多淑景箇中陶

題時賞齋

庶徵有五要惟時省歲殷勤念在茲又用咸休協心賞
艱哉夫豈易言之

恒春圃

白屋如花圃恒春果是春四時芳豈謝一室景常新不
凍池浮水致遙籬縛筠信誠工點綴對乃愧生頻

豁如室

既有近牆圍亦復遠山護何以云豁如請得言其故於
密有退藏放則六合布靜固非內寂動詎任外驚明道
定性書可作義經注

清曠樓

拾級高樓曠且清非誇畫棟與雕甍石牆以外見墟里
為憶民艱及物情

並思堂

寂欣旭影窓前朗豈必花光戶外羅去聲隨分抽書皆可

繹箇中偏覺益思多

題宋人蕭翼賺蘭亭圖二首

御史西臺變姓名
蘭亭賺得促歸程
溪橋跋馬伊誰氏
應是馳來徐善行

何須真本計求千
過舉難辭責備賢
豈料戎溫仍出世
至今又復幻雲煙

新正萬壽山

政簡新正多暇朝
清遊况喜近非遙
依稀雪色幻梅朶

漏洩春光真柳條

常謂子美臘日此句嫌其畧早宜於上元前後用之

靄氣西山

將接潤冰容南沼欲含韶煙村幸為

去聲

逢綏屢也有紅

鐙迂節宵

長春書屋

四時一貫氣長春書屋今來景益親到處撫時思切已
欲因元善體為仁

玉瀾堂

無水不成波有冰斯弗瀾冰水豈二物波瀾乃異焉動

靜固殊用有無原齊詮憑堂俯鏡鑑其趣存穀紉寧須
執象求聊此託澄觀

養雲軒

雲軒山之椒養雲因得名古書趣既永春鐙何礙清我
時方望雪小憩那怡情惟是增戚戚幾見吐英英何當
合膚寸沛然飛六霙

怡春堂

一元斡旋候萬物發生時無氣不含煦有情皆覺熙太

和方醞釀麗景豈稽遲設問怡春處書堂自不知

石舫

青雀黃龍貯舟塢依然石舫凍溪邊倚舲小坐生清會
失半由來是得全

味閒齋

山陽迤邐到山陰初歲巖齋試初尋豈不箇中味閒好
所其無逸戒猶深

清可軒

宵洞所為異夏涼冬乃溫炎囂戶外盛入則涼風翻其
或凜烈候內暖宜憩存以此山北遊無不斯探源今日
今春來拾級登崖軒石壁太古世雲窓初歲曛虫融氣
已佳樸素情益敦何當攜索邱靜坐考其原

眈春園

倚檻無妨細籟披
菑陽初上上聲
林枝紅情綠意方
猶未却是眈春正此時

宋人柳陰高士

柳陰高士若為高放浪形骸意自豪設問伊人何姓氏
於唐為李晉為陶

題文徵明千巖競秀圖

二老喬柯下高談暢遠眸蔚巖秀相競落瀑響如浮作
輟經三歲徵明自跋云此圖初僅得一樹自戊申至庚戌屢作屢輟歷三歲朔始成精神入
九秋似茲費日力亦自足風流

上元前夕奉

皇太后觀鐙火

七番節夕始今夕

上元節自十三日為始張燈火過燕九始收凡七日

至養無文亦備文元祐張鎰率成例開元聽政尚惟勤
西樓又喜觀金炬東壁先昇碾碧旻慶並繁滋

年益茂永承

任膝永欣欣

題鄒一桂雙清圖

黃是真黃白真白花中難老有神仙淮南招致誠何謂
那識自然驗不然

題寒江獨釣玉韞

追琢精球藉玉人
柳州詩意獨傳神
抨弦一發中去聲祁
鹿也似竿頭得巨鱗

上元前夕曲宴宗親

上元前夕典宜仍
瓜瓞綿綿百世徵
和氣一堂共聽樂
麗華千樹待燃鐙
相於且慢頌清宴
切已惟殷勉繼繩
璆玉和闐琢成器
以供節醺或猶應

上元鐙詞八首

昇平時世載陽春

萬歲承歡銓事陳成例雖然祇行舊排當頗覺逐增新
通閏今年長去年十三迴裏首迴圓豐隆借助纖阿景
不遣微雲點碧天

春迴十日蒞陽敷步渡平湖冰已酥冰徹銓光銓映月
廣寒界裏夜遊娛

習習風常傍晚收春臺煙火對西樓幻成幻滅幻無定
世界三千似此不

光明杯照圓明鏡仁壽鏡呈獻

壽圖我亦心殷返淳樸順時遵

養豈宜無

望雪經冬又入春
鐙前那覺展眉顰
何當一夜同雲佈
明看西山積素皴

元宵聞說樂同民
趙北燕南屢見真
却以過時將示儉

不教煙火待瀛津

前此四舉南巡掖
上元所至聽有司設

鐙火以酬令節

今歲仲春杪始往天津閱視河隄
恐地方官仍陳火戲預有旨禁之

歲歲鐙詞八首看寫懷詎曰逞文瀾韓昌黎憶傳芳軌
祇有陳言務去難

上元後一日小宴廷臣得詩二首

股肱任重要情聯賜典應開翼節筵詩句豈殊鹿鳴詠
樂音一例角招宣盆扶唐卉芳纔吐籠貯春蟲動以蜎

雖是元宵昨剛過方當皓魄正輪圓

是月十六日始望月輪正圓也

慶節熙春設醴醪兩行接席總仙曹謾言三歲連逢稔
已是經冬亟望膏屏尚未收翦綵燕鐙須待看冠山黿

晚來空宇魚鱗起雪霈庶幾慰盼勞

微雪

正月十七日

問夜達晨陰間

去聲

晴辰牌報始灑飛霏剛看鶴毳紛來

密旋惜烏輪漸放晶點樹那欣花乍吐鋪街又覺寸難
成情知舉趾時堪待澤欲先霑意益怍

題和闐玉觀泉圖

崖巔袖手觀噴沫景異香鑪掛練濤却訝不曾投石激
倒流躍並古松高

文徵明買魚沽酒

船脣漁父提魚賣橋首奚童沽酒迴鑪火正紅宜對雪
較量陶党底為哉

夜雪

傍晚雲復濃入夕微霰墜詎貪鐙景美深企

天膏遂霈乎猶未定切切更塵意甲夜乃密飄乙夜垂
優概至丙夜少間幸丁夜仍繼披衾問戊夜對已二寸
積詰旦忙起觀如言誠則未詰以何偽報云並消融記

京兆曉奏陳所稱亦一致故知緣慰子然子豈易慰較
去冬澤渥實新年上瑞旦明又大落漫漫暢紛懿庶幾
此番去聲佳額手希

鴻賜

題周玉壁

圍好琢嘉穀芝紋外繞之製雖非子執器則實周遺古
氣如可挹土華常自披寸陰珍是競興嗣謹言垂

仇英雪夜放舟圖

雪溪破夜放輕船危坐寒篷聳兩肩應是前灣尋句去
小鬟磨墨待題箋

復雪

正月十八日

自辰還至未既密亦時疎即即皚皚矣漣漣奕奕如雙
眸望無負三寸積仍餘始慰籌農願園林景起予

御園雪景

希澤元宵刻塵懷今朝始識御園佳山如失色煙藏密
樹不論名花放皆落地春融潤霑砌鋪池氣暖凍酥涯

愜心消得聊攬景點筆因之應律諧

養素書屋

樸屋無華飾灑然稱

去聲

夙心琴樽亦弗藉書史每堪尋

閒到斯小憩興來或暢吟憑窓聊攬結積素正彌林

虛明室

聞之濂溪云靜惟虛則明無欲靜始虛學聖有要程通
書二十章此義標實精是室顏是額詎因攬景名觸目
當會心會心在返誠可知無極真可悉儀象情更為注

其旨曰深玩力行

再題抱樸草堂

潔治數間屋匪華以樸勝曲籬堂後圍橫溪階下映插
架富芸編汲古頤神性清暇偶憩坐窓明几亦淨惜陰
意有永體物心無競綺鐙方在楹微覺弗相稱

洗心室

築園偶爾學衡茅佳致還同安樂巢幾暇洗心退藏密
便因潔靜玩羲文

掃雪

掃雪必行賞僕僿早候之未成分寸際那可飾裝為今
日素真積培林澤倍滋
天恩誠賜我分惠亦其宜

唐寅雪山行旅圖

肩擔驅車來往頻雪風冷逼客途身闇黎閉戶無多事
坐看勞勞名利人

燕九鐙詞

行春底事不欣然望雪元宵望眼穿
婪尾却增無限喜
率緣滕六燕丘仙

借助月光有雪光善哉說法是燈王
可知離即色空際
皓魄升遲正不妨

一點熒熒一縷煙千叢萬簇片時燃
紛紛鶴毳翔黿燄
藪藪金花灑玉田

相輝鐙雪句宜酬一例明朝節事收
勤政名殿日臨勤庶

政敢因後樂忘先憂

題五代人雪霽捕魚圖疊舊作韻

三冬曾未品三清

每遇佳雪必收
取烹三清茶

上元鏐下希瓊
靈何

期節過詠甘雪硯池春暖消花凌即景圖書得悅目是
誰粉本藍出青東灣西浦船雜集生計各有零蜀罇蓬
頭椎髻婦子聚力雖共作心無營大魚換錢供衣米小
鮮佐酒泥鑪烹浮家泛宅自無繫那愁白帖官租增作
者闕名具深意慮同皮陸垂虛聲子美有句意好去聲生
同然先得弗更評兩題拖尾恐防或割去遂教乘興圖

中興寫成

拖尾紙色潤質古曾書已已題趙幹江行初雪圖以當題識丙子又疊韻題本圖亦書於

後茲於元宵後二日廿雲竟夕御園池沼含清不減漁村雪景是圖適在案頭復疊舊韻題之圖中紙故佳此多隙地錄以補空興寄尤深

偶興

惟人既有心有心則有意有意必有願以茲生萬事貧者所願富賤者所願貴少願至難老老願恒在世矯情胥舍斯又願其名遂世間法如是誰免因願累即彼出世間亦豈大有異庸者且勿論賢者苦更備緇流願成

佛黃願登仙位前途信難臻故步早失自仙佛非我分
富貴我極至願應鮮弗成而更有艱致冬雪與春雨夏
時及秋霽先期憂已豫後獲樂敢肆設曰可概蠲將見
悔吝繼大凡求諸人十或得三四而況求諸

天得否安可必

叶

率筆寫心會直語忘倫次

賦得西山入畫

積素西山好分明畫幃披送來寒料峭展出白參差幻
遠忽成近增高亦益卑東風吹不去曉日照猶滋曠朗

金方口人卷六十二
浮林表深沈護獻基瑤臺花作月崑圃玉為陂總以因
心慰纔能觸目怡問誰傳粉本知定是王維

題和闐玉鷹操雀鞞

一雀鷹操

平聲

一避藏古松轆轤色蒼蒼可同射鹿發弦

疾更塵毆林寓意長

春來口號

有景呈前有興投八叉底用費冥搜春來試看百昌富
豈是東皇逐物酬

文徵明泉石清音即用其韻

對坐誰分賓與主
劇談却喜老松陰
石泉激越音偏好
不藉調絃更撫琴

長春書屋四事四聲詩

讀書

平聲

清閒何為消明窻
芸編陳耽書誠前緣
怡情諧常因千秋
於焉觀分陰良堪珍
湯盤銘曾言子惟期其新

撫帖

平上聲

臨池懷前賢撫古允我喜雖常希顏筋那有省可髓孜
孜勤懸針草草晒累紙佳言思公權引以輔善理

焚香

平去聲

匡牀雙金猊煥燦護獸炭氤氲檀芬燒霽霽蕙篆散寒
帷薰心源對座淨鼻觀無然安清供問政忒締案

烹茗

平入聲

筠鑪江南來恰合設白屋烹煎松風鳴活潑雪色漉奇
吟輸唐盧佚樂學復陸擎杯方無言魄月藪綠竹

養和室

嗇神非吾希種秫非吾怡發而皆中節聞之吾子思是
必有所養其和匪矜持不為內欲擾不為外物移如元
首萬善如春冠四時沖融去安排位育庶可幾

抱樸草堂口號

筆硯精良樂一時便教抒興與與搞詞草堂抱樸名相稱

去聲
所愧還淳身先之

養素書屋

平生喜讀書處處有書屋取義各安名居稽與澡浴豈
必藉林泉亦匪稱花木遊心竹素園涵養於斯淑神怡
興偶觸點筆詠亦屬

虛明室

糊窗置大食玻璃內外虛明朗照披詎謂無端便攬景
存心吾亦願如斯

山東巡撫崔應階奏報得雪詩以誌慶

冬雪青齊獲披章早慰心同時欣並及
京師於十七十八兩日晝夜聯

綿遠近普被適東撫奏到濟南亦於正月十七日得雪計及七寸廣潤數府

正將尺澤尤深黃

壤塞蝗戶綠田滋麥針

天恩真廣被慶矣志彌欽

沈周抱琴圖即用其韻

溪壑幽人冰雪顏橫琴膝上坐蕭閒底須撫作水仙操
調在清泉白石間

新春萬壽山

倏忽上元節已過餘閒一賞壽山螺漫憐火樹收金炬

金
卷之十二
且喜銀花積翠
我氣釀寒光
猶料峭風吹雲色又婆娑
因之望蜀仍希雪長此安窮竟若何

知春亭

借問知春何處知
人情物色總熙怡
虛亭却以無言會
一部義經註畢時

停靄樓

石磴嶽寄上有樓
昆明萬頃望中收
寫楹薄靄方容裔
吾亦因之片晌留

題惠山園

一區山左學江南初歲清閒取便探不似似之渾似似
前三三即後三三豈其園景心猶戀祇彼輿情意所攸
却喜雪融春氣潤柳條已有露珠含

雲淙室

幽室石泉上泉流尚帶冰垂為雲葉佈激作雪花凝已
契一家味那論

平聲

三峽層澄觀與清聽片晌適吟憑

瑩心堂

書堂泉上架嵯峨欲看春流景若何平處滙池冰未解
瑩心別喜不生波

構虛軒

一岑獨出自為高上有文軒據迴臯每到輒因飛逸興
欲吟率就揆宣毫西山雪積猶存素北澗冰凝未作濤
大地憑虛虛豈盡構於斯乃儻然遭

無盡意軒

山容水態攬都全豈在紅芳及紫妍却喜高軒付不語

意無盡合與之然

清琴峽

冰鋪雖是凍池平
峽裏流泉自有聲
若問七絃此何調
聽之知譜羽音清

霽清軒

雪後天色澄霽清
真霽清北山幾千疊
一律玉峻增浮
來寒氣嫩鋪出潤澤平
憑軒聊縱目徒倚堪怡情
煙村
于耜人指日將舉耕

戲題夕佳樓

興寄陶詩號夕佳每還未過午時牌高樓莫笑相孤負
本是忙人那暢懷

和闌採玉行

和闌昔于闐音訛傳致差今之和闌惟採玉昔之于闐
乃採花採花信無用太白寓意蜚詞華採玉供追琢琅
玕豈歎埋泥沙然玉亦有別砒砒貌似寧足誇和闌採
玉人抱玉出水涯何曾璞裏之不掩瑜與瑕則足之語

本荒誕千秋紀載百無一實真堪嗟

題袁瑛山水六幅

屨屨不用掃莓苔座底長江觸石迴
指點片帆相與話
帶將千里夕陽來

右迴磯帆影

樹杪紅樓出簇攢嵐煙不濕有微寒
米家家法相殊處
晦裏分明可指看

右山寺朝嵐

碧瓊天地小年長一陣荷風四座涼為問白家池上趣
可能舉首見山光

右池館延涼

貫酒烹魚樂事多施畧又趁雨初過便教雲灑原無礙
披有飄飄笠與蓑

右漁莊雨霽

竹籬屈曲護茆堂籬外喬柯盡染霜落葉不教頻掃去
藉看襄錦自成章

右紅葉村扉

糝糊不辨遠峯尖
驢背寒英撲笠檐
誰識其間覓詩意

已

居里切

先詩意被人拈

右溪橋詩思

勤政殿璠璣禱蟲齧命易之戲成是作誌意

吐番霞艷貢成褥
取冬溫織毛易生蟲
食齧成篆大中
人鋪設告畢事物壞
那問柳宗元時偶見之
因失笑常
朝地即同廊廟銀鐺偽
約我鄙其命即易施勤政要此

乾此惕卅餘年萬民念念切惻瘵有灾籌賑恤無灾優
逋蠲百億帑金曾不惜一禡之費何有焉暴殄天物德
實否惟辟玉食必有理大禹卑宮力溝洫然於黻冕亦
致美私服浣濯事之常持以示儉斯小矣

自訟

豈無臺沼小經營經始亦常日視行比及成之行已急
喜新厭故率人情

賦得東風解凍

得春字
八韻

應律東風至五朝過立春入池通暖氣解凍透雲津始
拆原成片旋開漸有淪魚冰上陟負雁北候來賓習習
傳輕籟溶溶閃疊銀近堤方搖去聲柳傍浦未生蘋拂面
涼溫協迎眸景象新如將弄舟楫誰是傳巖人

河南巡撫阿思哈奏報得雪

豫省麥為秋尤希雪澤稠誰知同日得

撫臣阿思哈奏豫省得雪情形

與京師日期相同而尺寸更覺優渥

更較幾分優遞驛速傳喜遺蝗那復

留

天恩真廣被額慶遇何修

盎春書屋口號

東皇一氣遍三千豈僅明窓與翰筵
鑿井得泉水在是盎春名室亦應然

題思永齋

思永非惟身慎修心思永處說從頭敬

天益勵旦明凜法

祖常懷艱大投勤政寧無間宵旰親賢何有盡登收至

於祈歲更殷若安得屢綏遍九州

長春仙館

長春昔日讀書齋迎

養銓宵歲歲皆

福並海山增寶帙

壽同松柏映瑤階東風暖已落莫葉陽氣升看茁草茲
半月餘過如一瞬年來惜景每殷懷

詣

金
卷六十二
暢春園問

皇太后安遂命駕由萬泉莊進宮之作

慶宵倏過返

前園

暢春園在圓明園之南故又名前園

隔宿虔應問

寢門祭

社經筵胥要務遂教清蹕入宮垣

泉宗祠建萬泉莊稻町新開百頃強去歲經營今逮落

乘閒特地一臨相

蹕路纔紆四里餘，仍遵石陌度輕輿。
倚虹更不重停憩，每進宮俱於倚虹堂傳膳。
茲由萬泉莊，祇付三章題壁。
憩食過此，遂不復留，仍書詩命粘堂壁。

書
抱素書屋小憩成詠

明日當齋，今日閒進宮之便，一遊攀陽坡雪化陰坡積池水冰凝瀑水潺風拂柳條弱無力春來梅萼喜開顏如將繪事相衡較吾亦會心後素間

焙茶塢

雪華收瀾雨前茅按例勤擎候不差郊外行來廿餘里
越甌消渴正資茶

枕巒亭

假山亦岵嶸小亭亦虛曠依然皴以雪形色難為狀乍
如玉仙人笠子戴其上馳想到棲霞其峯固無恙

棲霞玉冠

峯南巡時
所命名也

鏡清齋

階下冰光映座明坐來書史足怡情寺卿大寶箴尋繹

如鏡戒惟皎皎清

畫舫齋

船室艤琳池水光座上披入窻都是畫憑几便吟詩何必布帆掛依然鳥影移忽疑笑真舫行止尚需時

古柯庭

一樹不知幾百年一庭恰得十笏廣庭固弗如古柯古忘年之交結俯仰俯仰間已成陳迹向所詠詩題素壁
輾然笑此復何為吹落颯風掃吟席

小玲瓏室

月窻之外歡猿叢幾个虛敲萬籟通
恰喜晴光搖琢雪天然畫出小玲瓏

仲春齋居

慶節堂堂過齋居肅肅閒動歸靜知
好民與物思艱新句亦時得陳言恐
未刪輕雲落微雪

是日復微雪

望復切其

間

題張宗蒼畫二首

春鴈耕漁

耕者驅牛漁弄船
四民生計自勤虔
宗蒼畫具治安策
何事未題經許年

秋巖雲瀑

重疊秋山脚護雲
瀑聲猶在耳中聞
每逢空白即酬句
氣韻欣其迴出羣

登延春閣得句

層甍迴出宮城顛
皇州俯視街巷填
百年都會太平世

富而教之何有焉持盈保泰在虛受明目達聰洞開牖
春滿人心物色間豈容高閣自享帚

靜怡軒

靜怡豈耽寂藉驗道心微精一思垂訓惕乾慎勅幾居
今並謙羣鑑古得因依坐久消清暇蘭煙引篆排

碧琳館詠竹

幾個雲窻外仙家自有家風敲鳴鳳管雪燦鏤瓊華寫
色偏宜淡論情好在遐晦翁精理學餐吐也稱嘉

朱子
步虛

詞有餐吐碧
琳華之句

晴

雪未成分寸晴原暖仲春亦知貪已甚無柰惜猶頻日
北低窻影幾閒生靜因豈徒誇麗句翰墨雅相親

絳雪軒

絳雪百年軒五株峙禁園

軒倚御花園東
壁絳雪亦舊額

元霜寶為伴

玉宇額猶存豈必芳華對常看逸韻騫培根真是瑞

凡雪

後必收培各樹
根幸成例事

色澤那堪論

詠古玉蘇武牧羊

北海牧羝返他山，攻玉任爾時寫壯貌。
此日識忠心，朔漠景如故。冰霜介豈侵，還應笑范蠡。
可不慙去聲良金。

題夏圭山水卷

筆勢真看積健雄，寧誇刻楮小精工。
水軒一帶虛楮木，祇在輕煙縹渺中。

觀舟來往坐巉巖，風順張帆逆落帆。
至理不奇人盡識，一經寫出迥非凡。

春仲躬祭

社稷壇

四之日舉趾伊古重春

祈土盛欣辰應

是日戊戌說文土盛於戊

穡甘著義微訢閭發陽氣

和朗麗朝暉執玉抒誠敬

連綏願不違

仲春瀛臺

祭罷迴鑾路轉西趨臺仲月曉寒淒池餘冰雪春猶淺

架列詩書古與稽向以問

安過翠蹕茲因進講駐彤闈

向來祭

社稷壇禮成

因請 皇太后安茲以次日經筵因於宮中多駐一日

偷閒偶此尋芳景却是韶

光尚有俟

蘭室

玻璃窗外樹婆娑湖石璫瓏積雪多望澤冬春頻此切
今來蔚眼慶如何

春及軒

最愛陶辭清且妍
又將春及治融天
那忘有事農夫告
兼詠載陽桑女篇
草欲迴青依砌茁
瀑全不凍隔窻懸
流觴聯句圖存壁
瞬眼光陰廿二年

賓竹室

埭下深培雪色滋
白瑤田映綠瓊枝
此賓猶覺匹夫異
亦可依然與迭為

素尚齋

假山數百年樸齋
建其上如在峻嶺
間而又無遮望松

竹依舊森桃柳未新放芸窗適小坐淡然愜素尚

千尺雪

飛珠仍自雜冰潺聽雪寒山見一斑恰有積坡相映帶
底須同異辨其間

題宋人松巖仙館圖


山川非俗世樓閣迴凌雲水落琳琅調天歸鸞鶴羣煙
霞一徑遠花藥四時芬松下諸仙坐其言不可聞

珊瑚樹

說林珊樹竟開花河伯宴禹信荒誕南海更以婦人稱
述異之記騁詭辨石崇所擊或類真惟其類真益形舛
三四尺者六七株非自天來非地產郇王籍王振家時
二十餘株入官輦審然此應在世間不可謂同桑海變
叶百歲昇平天府藏盈尺者弗一再見_叶此非却珍知
世無石崇王振安從管咄哉千秋紀載家顏腴耳食逞
虛撰



御製詩三集卷六十二



總校官庶吉士臣侍朝

校對官編修臣楊壽楠

膳錄監生臣戴堧

欽定四庫全書薈要

集部

御製詩三集卷六十三

四

詳校官原任編修臣徐立綱



欽定四庫全書薈要卷一萬三千四百九十二


集部

御製詩三集卷六十三

古今體一百三十首

丁亥三

仲春經筵


彬彬舉仲春輪番進講列儒紳誠明盡性斯先覺

盛德甄心在日新

進講四書不逆詐一節易經日新之謂盛德一句

嚴若要脩

經義守同然無取頌聲頻撰良喜勝常年者兆啟文昌

壁值辰

是日適值壁宿

西直門外作

講罷文華即命驚那更

平聲

西苑重

去聲

盤桓宮城五日侵

尋過言返御園切問

安

廿里石衢路不長春酥土氣潤生香
兩行宮柳輕風拂却見梢頭漸染黃

迤邐煙村畫幰開鳴梢底用急忙
催西山高處仍餘雪送有輕寒迎面來

御園泛舟

解凍冰已酥不勝冰床矣五日紫禁中重來御舟俟河
固未全開鑿由人力耳非供凌陰納見因行船起循岸
亦可行詎必泛春水邪許信勞哉跋涉難免已効勤彼
其常然非吾所喜

陶嘉書屋

聞說人心貴有養匪云欲速曰沖融亦如春氣嘉品物
原在甄陶醞釀中

澄景堂

試言澄景趣祇覺趣偏長
聒耳無絲竹怡情有縹緲
新詩五七體古帖兩三行
更散庭前步天空水一方

得趣書屋

到豈蘭椒陟坐惟芸簡披
孔顏尋樂處陶禹惜陰時
饜飫寧知倦沈潛無射思
書中有真趣能得信誠誰

題漢玉穀壁

穀壁數弗可屈指偶遇無
題輒題耳稼穡作甘多益
善

我意在彼不在此

唐寅蘆汀繫艇即用其韻

淺水蘆汀泊舴艋
睡漁擎髻鬢禿頂
遠天月上自不知
付與清波照孤影

夏圭溪山清遠

焦墨疎皴有古風
夏家家法撫吟中
神情自是清而遠
骨格兼饒秀且雄
僧寺幾區心與淨
客帆千里目難窮
漫嫌割截失名字
慘淡經營孰解同

仲春靜明園

慶節誠無暇仲春始此來山容隔歲閱水態歷冬開

暖泉

故園中水
歷冬不凍

沿岸飛蟻蠓向陽生蘚苔靈源得氣早韶景

若為催

華滋館

玉泉來必憩華滋研淨窓閒又一時地氣已通香土氣
柳枝渾弱拂楊枝昌昌物色如含喜藹藹韶光不負期
苑樹株株培有雪沃心明潤足熙怡

樂景閣

層樓鏡裏祗舟通四面窓櫺映水紅
負帶雲容與山態徘徊秋月更春風
先憂那敢忘無逸後樂惟應綏屢豐
觸景會心紀新詠泠泠行漏片時中

竹鑪山房

水齋山房安箴鑪東坡不藉遠馳符
中涓巧伺渾經慣那待尋常火候乎

亦有松風鳴戶外更延雲巘入窓間
江南清致何差別

一晌馳情到惠山

虛受堂

一室廓如恰受虛四時景概納無餘
顧名各有思義處
咸卦象言良起予

閔風齋題岱嶽圖放歌

我聞閔風層城巍崑崙金堂玉室居
仙人素威司鉦以
為節青瑊捷芝以為軒必遺世而寂
慮捐五蓋之紛紜
乃可曳離離之雲旗鳴鑿鑿之玉鸞
銀漢亦可弄匏瓜

亦可捫是惟託想像又何有夫玉泉山右之雲軒然其
山則嶽峯截薛泉則湫澱潺湲有樹龍蔥有鳥管絃則
何不可遊瑤臺之列仙五嶽未遍圖岱宗圖獨存忽然
迴憶我亦登其巔太白高致非吾事孔子小天下我則
天下之大一己佛仔肩是中一民一物不得其所皆吾
愆嗚呼任鉅責重豈不艱哉那更寄興曠達脩空言

翠雲堂詠古枯

兩株高枯植金源庾信休誇古度存不與羣芳共枯苑

經冬依舊綠陰繁

清眺亭

筮亭據崇椒尋常不屢到肩輿偶一臨興趣必臻妙茲
來方仲春春光待昌耀元氣與醞釀雲容與竇窳峇陽
獨開豁林闕未鎖竅倚欄暫徘徊信可暢清眺

湛華室

靈源弗凍一泓清鏡影當前映綺楹誰識片時臨湛寂
不華華亦此中生

自玉河泛舟至石舫

景氣仲春漸向融
玉河流水喜舟通
小遊已足抒幽興
適可言旋日未中

片時去亦片時返
好景真如馳驛看
佳處曰何妨久賞
恐因此即怠之端

迤邐機房與稻塍
耕桑事尚未云興
雪消冰上生新水
却見隄痕幾寸增

畫舫行行石舫臨
便因小坐榻毫吟
孰為靜者孰為動

無去來今可覓心

題文嘉為僧望洲作草堂圖

記得華山道從夷入險巖迎人立怪石藏鳥著叢枝開
士祇宴坐休承能爾為引予飛逸興片刻到天池

見卷後周

光
詩

和闐玉雲巖孤僧圖

一笠入山往千竿引迤來色空都淨矣刻畫底為哉自
有鶴隨錫何須海渡杯如將持抵鵲去去與相陪

重摹梅石碑置青蓮朶側而系之詩

有序

乙酉冬曾摹德壽宮梅石碑驛致杭州以存舊跡
因思梅既久枯石又北來則新碑與舊碑不過留
其名於依稀墻壁間耳既又思梅之槁於南者雖
不可復生而石之存於北者固在也因命重摹一
通置之石側青蓮朶者蓋壬申初到時所命名亦
並有詩紀事云

昔年德壽石名曰青蓮朶梅枯石北來惟餘碑尚安德

壽豈復存久矣燬兵火不禁興廢感碑亦漫漶頗因之
為撫蹟驛致江之左新碑鄰舊碑那見梅石我重摹置
石側為結無緣果誰云假冰玉猶是真紫莪如因憶中
郎武賁何不可

隨安室四詠

有序

隨安室青宮時書屋名也蓋所遇而安昔時藉以
淑己而已今則四海之廣兆民之衆無不欲其隨
時隨地而安抑亦難矣故凡宮禁園庭仍以是名

之觸目警心亦識其安之艱致云爾

安土

處處隨安室都因安土成築基期永固肯構乃恢宏愛
物易辭繫樂天禮義精重去聲居堪絜矩藉亦驗民情

安窓

安窓向朱鳥作牖亦青龍春意階前草夏陰簷際松月
光淡秋宇雪色積冬峯攬景固無盡闢明訓獨宗

安琴

攫醴雖弗解琴牀綴景安短長量

去聲

桐展妥帖倚蘭看

騶忌言堪繹泉明趣可觀禮經著操縵古道復應難

古之

人於六藝皆所學今則執一且不能相去何甚遠哉

安仁

固是隨所遇心安實在仁昔惟胞與切

張子曰民吾同胞物吾與也夫

誰不當存此量乎

今更恫癢親履泰還防否綏豐亦有貧於斯

恒惕息順豫覺難臻

王黻松陰草堂

誅茅結屋老松陰靜聽松風謖籟音展讀非闌榮時事
欲尋邃古訂知心

春陰

二月初六日

春雪已過

平聲

旬春陰蒼蔚皴為雲為雨聽

去聲

問晦問晴

頻望蜀猶然我希恩那怪人中宵忽開霽懶見玉蟾新

再題青雲片石

詭石居然雲片青松風吹竅韻清冷英英生處如為雨
膚寸何殊岱嶽靈

暖

四序遞循環春融適日間冰消原是水雪盡那藏山蟻
蟻蒸潤出雁鴻候北還東郊遽舉趾農務切心關

仲春香山靜宜園駐蹕作

藹藹輕陰春仲天香山山色喜迎前此番來駐期三日
佳處未探經一年消受惟應詩在壁景光何異峽流泉
林嵐漫道相孤負偷暇尋猶屬偶然

棲雲樓二首

千巖真箇吐英英高巖峰頭低寫楹設使今朝誠雨雪
山樓方謂善循名

結撰山園此寂初每來先必坐憑疏庭前種樹分明憶
拱把今成合抱餘

來青軒

向遠窻櫺隔歲披含芳毓秀仲春時千巖靜待來青候
軒則先知覺後知

海棠院

香山寺創舊名勝來青妙高及海棠或以迴奇

妙高堂

或

曠豁

來青軒

此則幽佳其趣長當庭兩樹非花候靜對較

羸爛漫芳

妙高堂

肩輿幾憩登猶是山之麓仍有最高處那可便止足灑
然數間屋已覺超凡俗妙高誰所名舊誌難尋讀軒軒
引興飛興飛在浮玉

金山有妙高峯東坡因以名臺乙酉春南巡臨駐曾為補書臺榜並

和坡詩
勒石

歡喜園

香園號歡喜歡喜那輕言寂是先憂者難窺大覺門山
情信可樂鳥語亦非喧翻為去聲春陰好意重平聲望雪煩

香巖室

據巖靜室敞雲廊游目徘徊不礙涼葉態花姿都寂靜
此中大是有天香

太虛室

山體則為實山用斯含虛中孚著妙義其吉及豚魚書

室一顧名會心足起予點筆即成章聊付壁間書

超然堂

徑自萬林穿書堂迴若懸到來方識趣欲說已忘詮樹
色連青靄峰光生紫烟蜃窓一縱目得句亦超然

碧峰館

山館岌嵒倚碧峰墨壺琴薦足清供笑予不是高閑者
應付丹丘與赤松

曠覽臺放歌

山已據地高更據山為臺曠覽信無極然此胡為哉一指或蔽前泰山為之埋七字短章聞杜甫翻手作雲覆手雨不可患者惟人情高出青霄亦難覩

靜室

靜室不可快每來必即到沿途數停憩究皆遜此妙迴薄含萬象寥朗懸高照是宜付山林而豈云廊廟自問是何為蹶然亦失笑

竹鑪精舍

綴景偶教筠鼎施趁閒聊亦小棲遲擎來茗椀定遵例

何必如斯著相去聲為

茶舍窻中景致殊西山積雪有碑模

西山積雪為燕臺八景之一向立碑

於精舍對嶂
窻中即見

前旬忽憶御園望一幃即斯展畫圖

碧雲寺

隔谷祇園古中天聳玉臺不安比丘住盡去緣人灰面

目還清淨松篁作侶陪應真叅五百飛渡大江來

寺中五百

羅漢堂命浙中選
匠裝嚴運置於此

洗心亭

溪亭虛俯碧玻璃
來往魚遊荇藻萋
待欲洗心心那洗
已飛遐想到雲棲

試泉悅性山房

壁柏翠籠簷泉苔綠暎簾
幽香得喉潤淨色與心恬
景繪報春及吟題
逐歲添陳言將務去
戛戛付鬚拈

晴

過午春雲散
惜哉難置懷
應緣化工巧
欲示夕山佳
幾

縷碧空去千層丹嶂排新蟾逾半壁弄影麗榆街

夕

何日而弗夕夕是山中好暮色落羣峰林影藏窈窕月
色白於水空庭幻為沼其上有松篁落下成荇藻東坡
豈我欺興會正不少

學古堂

書堂題學古學古要通今詎在循粗迹尤應究本心泉
明觀大意士行惜分陰信可消清暇因之精義尋

曉

虛牖生白色高峯騰紫光
春宇濛露氣空庭發土香
且未命肩輿散步於中唐
曉曦漸漸昇不冷而微涼
問政乃稱簡十數閱奏章
寧非餘我閒為之增徊徨

臯塗精舍詠桂

勤政接公卿

處處辦事殿幸以勤政名之

餘暇登林嶺喬松羃翠陰

逕曲益致靜清磬落半天
聞聲發寂聲乃知山寺近
玉

華

寺名

忽前境精舍寺右側憩坐
意為永盆桂育洞中深

藏候猶冷吳山誰護惜不凋葉自整南北異如是風氣
因堪省

題李世倬臯塗精舍圖

圖寫臯塗著壁懸偶來即景賞雲烟誰知常住舍中者

已閱人間二十年

是圖丁卯所作
逮今二十年矣

綺望亭

依山構亭臺高下天然置東望則憑虛豁如總一致近
頗聚閭閻遠亦帶郊遂生計軍與民何莫非吾事詎曰

適綺觀無不塵淵思

遲雲館漫題

昨日山雲散作晴今朝山色益分明何當所遲

去聲油然

至大布春膏利早耕

朝陽洞

崿嶂傾崖間仄蹊凡幾轉數息亦既到穹洞巖之半宛
而復中隆隨宜置山殿取樸弗取華好山圍四面憩坐
吟我詩亦以歌人倦山鳥弄春聲可聽不可見

即事

輕輿尋勝有逢迎
逐處拈吟成便行
既以問山適我興
亦無勞步拂人情

天池

天池苻藻綠
紳脩潛躍悠然魚
數頭放眼昆明有
鱗族
故應雲表仰
明遊

棲月崖

一年十二月遇
閏增其一有月
必棲崖對崖則
斯室是

乃恒慣經無得亦無失而我來香山歲中曾幾日從未
斯室宿晝遊偶一即然則為此名乃由想像出因思邃
古來豈不富撰述恐如此者多吁嗟果誰實

雨香館

澗葉巖葩未吐芬寧誰見布致疑廢色空直到無空色
薰習由來非習薰摩詰漫稱不示示文殊亦詎有云云
適然小坐儻然去祇覺綺言鄰太勤

山陽一曲精廬

精廬一曲在山陽貯水為池開鑑光水是精神山是骨
故知畫趣此間長

琢情之閣

六情本宜靜巧琢亦何為未免境臻幻因而興會奇泉
從冰底響窻在樹頭披自是天然句還憑人寫之

懷風樓

盤旋一柱陟梯階上面樓窻納遠佳君子德風小人草
到斯每亦惕吾懷

對瀑

到處多吟對瀑詩不同境亦各殊時抑予別有會心者
迅水光陰閱若斯

玉乳泉三首

詰迳蒼陰冪歟猿春山藹藹淡生煙行來正欲思清憩
虛榭橫臨玉乳泉

靈源山脚滙為池春水溶溶漾碧漪怪底一塵不到處
近軒草木總含滋

渟泓乳竇湛巖阿寫影劉看印碧螺出谷不教流作潦
北方山泉每出谷即滲入沙石不能散注潢潦流而為河如南方也可知含蓄此中多

閱武

健銳練精旅香山聚隊居知方素嘉爾閱武便臨予所
尚赴桓實寧誇聲勢虛展伸佈行雁偏伍列麗魚撫壯
誠欣矣問勞尚憫如藉茲成偉績

前此平定回部時健銳營士卒所至奮勇

先登屢奏攻堅陷陣之捷遂成大功耆定可忘諸

復陰

靄靄復淒淒春雲傷嶺低橫空方澹蕩望遠更茫迷八
伯寧須頌崇朝正所徯何當霈膏雨屬念在興犁

超然堂再題

居若懸居境若仙誰臨此不意超然春陰却以將為雨
望眼偏低在大田

集虛室

山高鄰太虛上有集虛室是虛徧大千集之用何術室
以弗言咎無過曰靜謐不知有所受矧其覺所出蒙莊

尚饒舌乃謂寥天一

題董邦達畫二首

桃溪春靄

灼灼桃花淡淡溪春煙盈谷遠淒迷此中告我有佳句
遂與書之當作題

松磴晴霞

松嵐楓坂鎖谿砦映帶齋屏本一家高士垂屣何所望
綠雲邊際染紅霞

移松

山中有松樹歲久或叢生密則礙其長疎又孤其朋乘
閒為移植位置期得情既不妨蔥鬱兼以續峻嶒是惟
穉者然尋丈斯不能械樸育賢才信哉詩可興

巖栢

巖栢幾百年翩翹舞翠鳳累累結子多風吹入石縫得
氣生枝葉鬱蔥如伯仲蒼雲嵌石壁幾致無罅空是乃
出天然曾弗勞功用設使人力為郭橐不能種

寶相寺落成瞻禮因用辛巳五臺殊像寺韻二首

聖母七旬慶五臺禮曼殊

梵語曼殊錫利華言文殊師利

法光欽意蕊

寶相印心珠

殊像寺瞻禮時心識相好於行營即摹為小圖既歸又廓成大圖建寶相寺於香山

之南命工依像衰塑今始落成展謁云

出帑非民力鳩工依手圖落成茲

卜吉瞻禮過山衢

東西寧彼此

五臺在京都之西

相好那同殊總祝無疆

壽應符如意珠靈蹤紀竺牒勝刹起黃圖花雨從空落

續紛上景衢

香林室

祇園瞻禮罷別室憩臨初總在香林界況於清暇餘咀
聲起般若峰影落芙蓉竭爾題五字何殊觀六如

含清堂

蒼松千百年白石四五迳詰曲皆得入陰森亦相映深
處有樸宇既幽復潔淨可以讀詩書可以悅心性招提
在上方小坐鐘聲聽

題鑑空樓

半卧天池嶺表渾三間山樓池上橫春風動籟契幽韻
秋月入影為佳朋無過綴景費爾許笑我十年餘未登
今朝餘暇試登偶一鑑開奩暎虛牖佳哉此鑑真無心
物來彼自呈妍醜鑑人於我夫何有

淨涼亭

山中有流水入地即滲漉築石貯為池乃可一泓掬其
上置小亭十笏猶未足涼意披滿身淨光謀兩目風漪
亦縠練溜響亦琴筑雖儉白家篇其意可三復

得一書屋偶會

陰陽動靜互為根
借問誰當是本源
無極繼之曰太極
一乎得者總繇言

薰卉

立春遲復北方寒
將近花朝花尚攔
自喜山中芳意釀
笑他薰卉祿供看

山鳥

當春山鳥盡能言
縱有繇聲靜不喧
擬以管絃猶頓置

那須阿濫六么翻

泉上

泉上重來坐悠然一室寬有聲滿清聽無色不澄觀
怡與松篁古奚妨襟袂寒何當此習靜又未覺心安

題張宗蒼畫

泉上山房幽且恬宗蒼神韻撲毫尖笑予據榻曾何謂
此畫方宜此室黏

玉泉山停蹕題涵漪齋

三日香山已暢遊言旋路便靜明留

玉泉山名
靜明園

別峯亦

自堪如畫

玉泉山萬壽山皆
香山所分別脈也

新水居然可泛舟遂到溪

齋那勞步閒披漪牖信澄眸迴看西巘足相傲智樂還
能似此不

練影堂詠瀑

本是香山脚下水惜其滲土不成流引來已自卑百丈
尚覺高高掛屋頭

韜光接竹引流泉

西湖韜光寺山頂有泉寺僧剗竹引
之隨山勢高下曲注雲林以供香積

之用是瀑即用此
法而易以甌溝

易以甌溝圖久堅不識本來面目者

祇稱雲瀑果天然

含峭居

衆峭含此居此居復含峭一二二而一如鏡光相照有
欲與無欲觀徼及觀妙是皆為絮言達者不禁笑

靜緣書屋

靜明園裏書屋信哉以靜為緣自有山環林抱且無鳥
語花妍騁目亦憑蜃牖會心每展芸編獨是高明光大

尊行時覺恧然

罨畫窓

窓前繪景四時新
不較何家筆法皴
一帶香山遙展畫
昨來也是畫中人

積書巖

倚巖屋如棲幽勝
擅林藪插架富竹素
取名擬二酉歲
或一再來枕菲吾
何有不如虛室白
恒以無言守

玉河泛舟三首

靜明一水達昆明
桂棹乘流畫舫輕
幾曲柳塘偏致遠
薰黃絲挽淡煙橫

溶溶春水凍全消
飲練忽過玉帶橋
數日山居切問

寢那更

平聲

逐景恣逍遙

翦湖片刻到東隄
衛士輕輿候已齊
迴首玉泉煙樹渺
祇看塔影蘸玻瓈

花朝

春光剗九十一半
判花朝那見輝芳
信空傳綬綵招旒

桃纔吐蕾楊柳欲柔條却是遲遲好速榮還速消

香片梅

幾缶奇椿香片梅半纔吐萼半全開却憐不旺饒幽韻
帶得江南春信來

照乘珠

昔者齊魏田於郊魏問齊亦有寶否爾時威王實善對
正言告之曰無有梁王誇有徑寸珠照車十二乘前後
威王乃曰與王異有臣四人境分守諸侯皆來不為寇

道不拾遺盜避走是則可以照千里梁王不憚自覺醜
寶人寶物固不同賢愚倍蓰奚待剖往寸之珠世寶無
况十枚焉騰安口馬遷好奇每傳訛韓詩別紀齊宣久
唐寅山水

或課栽花或望泉高人各適適應然不知伯虎成圖日
可憶白駒空谷篇

女樂

女樂於古無周末始間去聲置不朝孔子行父母邦之義

洪涯託三皇荒誕傳何自漢武乃歟設以待無妻士

叶

戰在鼓其勇斯實不經患侵尋至唐宋公然有官伎

叶

白蘇猶不免其他奚足議功令久所禁越前誠善制至
於宮禁中歌舞或應備霓裳廣衆觀此更成何事本朝
踵勝朝向亦有其隊康熙不盈千貞觀三千出雍正益
沙汰十祇存三四所司請踵行初未解吾意吾意非沾
名蓋欲究實際且如梨園部自有幾出類拔諸九御列
不可復執藝即其庸衆流豈令終老肆為期既弗長為

業安能詣不如盡去之代之以宦寺內外可通用灑掃
仍不廢逮今卅餘年始終如一致亦弗頌明禁拂人何
必試但讀斯詩者或可動深思

關仝山谿待渡

磔裂已看鱸地陳谿山千古自精神蒼然暮色橫川上
尚有擔囊待渡人

曉陰

二月十八日

曉起春雲滿作陰土膏發潤氣深沉亦知舉趾時猶未

望澤誰能有足心

題橫雲堂

邇日每作雲雲作隨風散
今曉勢尤濃無風旋亦泮
情知候猶早渴歲由來慣
理政逮己牌山堂遊伴與
空澄仰太虛遠宇餘幾片
安用此橫為惜心付柔翰

石帆室

堆石翩如風帆

去聲

浮三間室亦似虛舟會心此即蓬萊

島何必裹糧更往求

豐樂軒

北村綴景有田園學圃兼將學稼論望矣因之號豐樂
誠然實不易由言

題澄景堂

軒窓得暇便來憑觸目玉壺一片冰有趣圖書千古調
無邊風月四圍勝畧耽靜樂即時惕敢忘憂勤與日增
因識每孤佳景處祇緣心緒未能澄

松雲樓

假山之上峙真松時蔚英英雲態濃青白由來投氣味
便當為雨契從龍

冷然閣

山上則平屋面前亦遠洲御風惟禦寇畫水是營丘淡
處堪澄慮豁如真暢眸緣梯向南降降乃識為樓

竹密山齋

步來全是碧雲叢漠泊中間有路通齋閣坐聞八琅笈
看時枝上動微風

題暢襟樓

湖心軒榭寫蓬瀛

是處在福海中央即蓬島瑤臺為圓明園四十景之一

旁有書

樓俯碧清豈是虛無候仙侶居然經史樂平生遠隄四面柳桃繪春水一泓鳬雁鳴設問暢襟真暢處端惟時雨與時晴

題倪瓚山水

落落疎林遠遠山無波有水帶前灣草亭漫訝虛茵席留與千秋憩者閒

賦得怡情丘壑

無怠廟廊政敢耽丘壑情不妨聊寓意遂與偶題名戶
外山幾疊庭前水一泓靜深概常効澹泊趣時呈地僻
塵應遠春和景亦明神怡契倪莞心曠泯形聲因憶范
文正曾箴滕子京懷哉肥遯者可矣拔茅征

昆明湖泛舟

畫棹泛澄空春光即漸融柳絲低染綠桃蕾遠看紅平
水無多浪徐帆那藉風西南山榭好艤岸陟其巔

睇佳榭

舟中遙指真佳處坐榭迴看湖景佳何去何來何彼此
鏡光影裏契無懷

題暢觀堂

軒榭據崇巒春風披峭寒琴書一時暢山水隔年觀庭
鳥彈和瑟階蕪鋪翠紈物皆樂生意即景願民安

懷新書屋

一俯蜃窓萬景披鏡光近遠漾輕漪稻田雖遲去聲插秧

候意託懷新恒在茲

複岫亭

假山環抱似真山
亭在翠微深
秀間坐便搜吟成
便返笑予那得味
斯閒

沿湖岸過玉帶橋二首一韻

湖口長橋鎖玉河
常時橋下漾舟過
肩輿偶欲循西岸
綠意迴蘇閱菜坡

往來畫舫每從河
今日初從橋上過
寫影一圍真玉帶

幾曾印老賺東坡

題延賞齋

溪上幾間屋近臨耕織圖可知延賞處不為恣情娛濕
岸生春芷新波下野鳬田桑候雖遠此意每廬吾

表曰修錄近作靜宜園詩並呈遊碧雲寺長歌因
用其韻率題並令和近作韻

憶昨小駐靜宜園春雲忽歛春日暄近臣知有遊山喜
那識惜望殷巖軒

是日詠晴詩有過午春雲散惜哉難置懷之句

尚非迫切待

澤候散悶石磴聊登援曠覽之臺一騁目下視鳥背相
飛翻翼日清曉起問政輪班畢集諸卿垣惟虞伺意稱
事簡那肯適己嫌人喧勅幾已罷聽退食碧雲有寺別
有門挈朋攜侶許遊歷嚴禁奚用誰何尊古松卧墻掛
飛瀑活水如畫蜀兩孫淨土春陽已作意並無荆棘惟
蘭蓀俗僧緇黃概弗藉緇者漢僧黃者
番僧非謂羽流鐘魚靜伴山朝
昏一株銀杏十合抱千年以上人曾捫其杪寄生鬱蒼
柏龍蔥葉共扶晴瞰世間奇事無不有炙轂那辨溥于

髡洗心亭下潄泓水到此心洗空潺湲山房試泉更悅
性摩挲筠鼎光且溫北壁之下淙乳竇流陰可會如斯
奔荇藻梳似綠玉帶一一皆可尋其根勝迹吾無隱乎
爾詞臣於此能忘言錄我近作殿長韻點竄豈無意所
存雜詠五十皆短什書厨未足貯長恩乘興輒復賡巨
作樂天中的已示樊更當全冊爾遍和東坡例具懸水
村屈指三朝即啟蹕促成佳話不可緩

董邦達灌木迴溪圖

砢岸彎環接渚汀石攢鑿鑿水泠泠流雲解與為疎密
越致叢林無定形

御製詩三集卷六十三

欽定四庫全書薈要卷一萬三千四百六十三

集部

御製詩三集卷六十四

古今體一百一十一首

丁亥
四

仲春啟蹕巡幸天津府閱河務即事得句

有序

殷仲春而刻玉時巡惟以法

堯乘四載而錫圭績底何能續禹瞻茲三輔津為析木
之躔汚彼百川海實歸墟之地我

皇祖屢經巡幸灑澹其咨予一人久塵肝宵恬安是籲

第水郵紆次省方向未經臨而部屋積誠望幸斯
尤眈懇迺循令典用撰芳晨厯燕南趙北之交兼
輦路舟程以莅七十二淀池方渙汎及桃花一百
五時節剛逢瞻隨菖葉籌宣流於隄牖永期利萬
以安瀾資藏富於閭閻更準餘三而免賦知豫助
遊休無非事者若增華飾美豈所願乎既命駕以
啟行遂摛詞而成什

四度南巡陸路旋津門曾未駐龍船黃圖衆水會歸地

赤子多年仰覲天
二月下旬蹕爰啟
十分三數稅均蠲
觀民觀海胥要務

聖蹟昭垂勉繼旃

過盧溝橋

津門莅旌始春仲
啟鑾期又自石橋
過迴思江國時渾
流初赴壑裂凌去聲遠
鋪涯層疊堆蒼玉
神哉誰所為

良鄉行宮晚坐

別館由旬帝都近
往來巡蹕率由斯
灑然又憩春風座

竭爾周看四壁詩途接瀛津非遠路心存民物塵深思
明朝馬首弗西向為是翹瞻一晌悲

弘恩寺戲成

古樹帶煙衢精藍禮佛圖僧如官遠跪鳥識客相呼幽
靜自佳矣飾袞底藉乎偶嘗香積味玉食覺猶輸

見耕者

秋麥綠方萌春牟播趁晴土膏真潤澤農事始經營不
許嚴呵斥任其紛謁迎憑觀心喜處知弗誤新耕

涿鹿行六疊前韻

翠華將臨漂榆城信宿涿鹿方啟行春雲乍喜低四野
旋惜過午曦光明千村景象頗溫飽屢綏之後蓋藏好
籌民之政豈多方在敦本不在新巧津門畿輔近之尤
觀俗早應恩沛稠三十二年此初幸緣有事耳失遲留
七十二淀詎遍歷繪圖撮要一望收予有志焉貴目覩
斟酌故守無新修

紫泉行宮十詠

敞軒

遵渤重斯駐紫泉
巡南景概憶前年
敞軒所喜如予意
露冕觀民一例然

屏山

湖石迎門有路通
既環紆復致玲瓏
展開屏認誰家畫
淡古知為倪懶翁

鏡湖

一湖春水鏡光圓
入淀南流順赴川
七十二沽含納處

此番源委攬應全

舫室

湖上軒牕宛若浮江南雅式暢清遊隨來老翰工吟句

即景應思不繫舟

尹繼善任江南總督時顏其署中書室曰不繫舟茲以閣臣扈從因及之

梭亭

煙景欣堪望近郊縛梭為笠代誅茅詩人如擬杜工部
邠免無端太白嘲

虹橋

橫橋有曲致偏長
蜿蜒飛虹寫鏡光
朗照中還饒蘊藉
步來可以悟文章

魚罾

傍岸魚罾置碧潯
無魚亦自覺怡心
本來綴景供詩料

邠為去聲尋常溉釜鬻

石迳

卧者頽然豎者寧
由之可以達榭亭
當前更有窪池水
照影還看無定形

竹塿

筍前時節自成叢亦有飄然漠泊風何必雲棲較高下
愛他一例得心空

箭廳

虛明向遠勢開前弓亦仍張鵠亦懸臂病置茲惜已久
見之心喜故依然

雨

二月廿七日

過午春雲佈報申甘雨霏灑空間

去聲

疎密入夕益妥澍

澤逮物初發恩霑予始希既欣還既惕敢曰兆佳幾

曉行三首

半夜司更報雨晴
幸中還惜自人情
凌晨春宇低流霧
大野濛濛潤意迎

秋麥今朝迴勝前
露珠含翠欲生煙
春光絕勝看花柳
不許驅馳恣馬鞭

農夫行路皆生喜
未致泥塗潤亦含
一帶柳隄連趙北
頗看風物似江南

趙北口行宮即景

燕南行館憩言留信宿來朝發水郵
雨後有風亦含潤
春前憶昔總如流欲開桃意知饒
喜學舞柳腰好是柔
最愛西窓拈詠處
淀池萬頃望中收

安福艫

御艫安福早來迎一宿明當啟水程
瞥眼兩年渾似昨
快心春雨此初晴
長篇短什依然閱
越水吳山幾度評
勝景邨更平聲常介意未能忘者是民情

御舟過廣惠橋

前年跋馬過橋頭路指江鄉却猶遠今朝進艇自橋下
景肖江鄉翻似近乃知近遠曷有常廣惠顧名思政本
兩岸老幼夾通津盡誠非飾胥來親違道干譽則奚可
亦曰如子視斯民斯來趙北又如新過去江南已成故
須彌大地水中擎何處非舟堪契悟

淀池舟行襟詠

舟行七十二清河一一微名邇免訛西受諸川東注海

平成大計畏心多

沽水千秋孰考源或淤為陸或河存北南分合邨無異
古派安詢酈道元

掘鯉飛沙水已空滄桑語豈涉虛蒙一時畫艦多清暇
練賦因思左太沖

遼去金來自侮鄰金湯壞祇在逡巡空傳愛國何承矩
潞水圖因阻北人

扁鵲醫王豈自醫而今隄畔剝叢祠知微却乏知人術

陰計李醯竟中

去聲之

西淀流為東淀池淤泥種植各圖私夏秋潦或艱容受此在長官善理治

過中亭河紀事

中亭入玉帶玉帶即清河中亭洩渾漲壑窄難容多蕩漾沙遠留至此為澄波受小不受大此理信不磨嘉淦

孫督直時

在乾隆庚申年

謬聽人言訛謂渾河故道即此實非

他建議放乎此千村歎淪過知誤乃改為

嘉淦議開永定南岸復渾

河故道後渾流下注浸溢
田廬旋於辛酉春堵塞

民已嗟蹉跎不十不變法語

誠不我訖經過得親見

中亭河受永定金門開盛漲分減之水消納無多及至玉帶河

則已成清水孫嘉淦誤聽人言於金門開之上開放南岸水由牝牛諸河下注中亭至不能容遂趨窪地村民受潦因命急堵築決口方不為患今親臨閱視益悔過知嘉淦前議之謬向曾有詩紀事因詳識而正之
成新哦

聞京師得雨誌喜

當春好雨灑新城即繾綣情到帝京同日亦欣霑二寸

興農正值先

去聲

清明因思足食無他計惟籲休徵利始

耕日觀畿南誠遍被青蔥麥色夾途迎

蘇橋襍詠四首

脩禮予之主簿祿幾曾赴任柳河廳長橋却說老蘇建
未讀歐陽墓誌銘

尸祝斯人理亦宜

河北岸有蘇薄祠
昔人建以祀蘇洵

幾間老屋水之涯

眉山材品河干境伯仲虎丘短簿祠

勸農詔是漢文為唐帝書之念在茲

臨賜撫臣示

明訓

康熙四十一年
太宗書漢文帝勸農詔以

皇祖巡閱河陝

賜撫臣李光地建

御臨唐

亭勒石

蘇祠側敢忘繼序仰豐碑

碑亭左側有書齋點綴軒窓致頗佳偶爾經過解纜去
費如許為不紓懷

搶風

西風舟逆西東風舟逆東榜人例守此謂之搶上風及
至過橋洞扞格反不通天下本無事擾之因人庸矯枉
過正者何不用其中

閱文安隄工

辛巳秋行潦風浪掀喧
文安本大窪長隄報漫開清
水向南洩百里遭沴灾蠲賑命妥為急堵决口培蘇橋
至馬村加高益厚皆大工癸未就涸土耕犁排連年幸
有收元氣復田垓隄上茲臨閱士民欣我來叩謝爾莫
亟吾猶抱慊哉

恭依

皇祖閱子牙河詩韻

有序

子牙河滹沱下游也迺大城縣之子牙村始得是
名夫滹沱在昔即已著稱而子牙之名則非古乃
縣志謂其地有子牙廟即釣臺遺址所言無足據
按史記載呂尚以魚釣于周西伯西伯獵遇於渭
之陽注引酈道元劉向之說以証雖磻溪渭渚釣
迹不同而其地尚皆近岐西故文王出獵得遇之
自為可信至此地距岐數千里安得有釣璜遇主
事盖古蹟流傳率多假借不特釣臺說涉荒唐即

以大城為東海之濱亦非確鑿不移者紀載家傳
會失實者多矣子牙村之釣臺何獨不然既閱河
成詩并為序而正之

滹沱至此號姜牙傳會從來紀載家北界地高南界下
八分水帶二分沙籌防沃土資堪黍庶免村人歎作鰕
碑仰

行間將字裏

愛民肫意緬懷賒

格淀隄至臺頭西南而止命接築至千里長隄因

成是什紀事

禹貢無隄水亦治後惟賴此障防之常虞渾派北瀾至
間有清流南漲時格淀意佳何忽止鳩工命續要堅為
村民喜躍從心願力穡趨時勉莫遲

於臺頭行館作

行館一區構淀瀆水營艱築致斯勤

舟程例設水營臺頭淀泊環繞地多

支港水營卡障難以施功地方大吏
因於輿壇處建行宮數楹以供憩頓

無過晝夜憩而去

何必軒庭綴以紛岸柳春光染驚色溪波風意漾韡紋
臺頭設復循名義吾正慙焉在漢文

清源堂

書堂潔治淀池潄維暮之春適憩臨巡狩無非塵民莫
詠歌還以絜官箴遠帆望帶夕陽去歸棹看從別浦尋
大法小廉清固美求源應自始吾心

水緯

一片蘆汀緯道無兩行艇纜拽平湖黃頭省事誠嘻矣

紅帽偏勞亦念乎

拽絳者以紅帽別之

欵乃聲中過蠓舍蜿蜒勢

裏擬龍鬚御舟博大堪承重行處原資衆力扶

協性齋

揚芬港上館協性予

上聲

名齋詎曰逸為務端知靜與佳

有書堪悅目望水得澄懷自足消清暇燈船不許排

是日

地方官欲備燈船命罷之

滄波樓用金山遠帆樓韻四首

水樓俯碧似金山逸興遄飛片刻還設問往還何所見

妙高臺在翠微間

滄波縠影漾微風
綴景樓欄致頗工
不許燈船將晚放

恐防著相

去聲

太相

平聲

同

涵漪萬頃澹平流
天水空澄興雅投
意外設如遭異潦
宣防難措是斯州

層閣迴臨東淀池
魚村蝸舍望中披
黎民各有謀生計
引養引恬為度之

上已

上巳舟中過良辰信未孤不須杯棊飲寧作水嬉娛岸
綠煙橫柳汀黃浪起鳬山陰王內史景趣底相殊

寫盆梅一枝戲成是什

船窓亦自有盆梅恰似寒山別墅陪率寫一枝聊寄興
笑予結習未忘哉

水營

風順舟行速行營莅淀濱今朝仍水宿明日至天津蟻
螭羣飛暖芷蒲爭刺春午過餘暇久問政惕逡巡

題望海寺二首一韻

南運河遶望海寺海其遙矣海河然觀音是佛觀察智

是寺前殿供觀音後殿供如來不無意也

普遍三千與大千

李賀詩人具卓見杯中海水瀉猶然堂中大士如如望

道里邨更

平聲

計百千

至天津榮馬由府城觀民閱河遂至行館駐蹕

省方茲日莅天津榮馬沿隄入綺闌三十二年念常注
京垓兆庶意俱親地當南北舟車要水會東西河海循

何必管絃續民樂伊余所喜在還淳

命免天津府屬積欠銀穀並及直隸通省積欠銀

穀詩以誌事

天津瀕海濱沮洳實澤國以此多積欠可任催科力遊

豫貴休助逋逋資職殖

天津闔屬積年尾欠及緩征銀七萬三千餘又積欠屯穀及出

借未完穀十三萬四千五百餘

祭行蠲免 絜矩念通省那無向隅泣一律命

免之

直隸通省積欠銀四萬九千五百餘穀六萬六千四百餘降旨一體豁免

俾民足衣食

民足孰與不司農莫恪惜

偕樂堂

行館海河上顏之偕樂堂無過停信宿頗覺費醪商擁
馬萬民近入門一逕長顧名思義託九寓富耕桑

播醇齋

春朝上巳後柳墅海河濱
是處有古樹而柳最多煙意柔條挽露

光嫩蕊勻向花開戶牖把卷異艫艫却是懷慙處德風
播未醇

海棠廳

一樹海棠石砌邊種將百十有餘年清明未到花時節
紅蕾綠英意躍然

五閘

五閘洩坡水海潮亦藉通

五閘起天津城外之東關閘訖於白塘口閘以蕪城南坡

水窪積水洩入海河冬春水少時閘亦束潮引海河水
進閘以資灌溉便民汲至五月朔後海潮信大則閉閘
版恐防海河水為潦然坡水亦不能外洩至九月海水
歸壑方可啟閘洩水而田亦已受淹矣是節宣雖當盡
人力實賴
天
工賜雨之時也

宣防盡人力休咎賴

天工一道長隄亘兩行綠柳叢村莊非富庶歷覽塵何

窮

清晏堂

明日將觀海今朝近憩居閭閻榮安堵河淀閱歸墟却
以延閒賞還嫌費潔除溟瀛願清晏殷若意翹予

微雨

三月初六日

春雨實難遇微飄亦自佳風來東北好雲佈海天皆潤
意連煙樹濕光泛露芰勢闌曦影放又為惜生懷

去聲

夜齋

海濱信宿夜齋清小雨剗過星宇明却憶陳園前歲景
濤聲雷鼓殷三更

海神廟瞻禮述事

崇構海河濱初來拜謁伸配

天常亘地濟物卽為

神紫澥安瀾慶青蓮示法真

廟後層為大士閣因書
紫澥青蓮扁額懸閣上

兩朝碑仰讀

殿前有
考御製碑文

皇祖

並建亭敬奉

皇

意總為

去聲斯民

觀海臺觀海作

蕩蕩津門瀉大沽滄溟東望尚遙紆清流渾派歸淵極
坤括乾包充德符豈似餘杭沙漲藉况經自古海氛無
天津本係海套又有長沙如關亘阻海口船非乘潮不
能進且東為旅順東南為登州府中有廟島乃外洋門
戶船所必經有此扼要故留都來往糧艘運總濟吾民
明季倭寇從未敢至天津

闢坦途

沽口距奉天義州千餘里商民每因盛京糧多
價賤運販津門一帆可達或盛京等處偶遇米

貴亦可從此運往接濟見

皇祖

海神廟碑記

瀛裔

巡方到處塵黎黔瀛裔民風榮馬硯力穡仍艱登稷黍
資生惟是藉魚鹽蘆田概與均蠲負沙戶因之期引恬
斥鹵安能變膏壤漢時早說海波漸

曬鹽場

釜海曾無新爨勞引潮曬日鬻盆牢勤劬事業營千竈

雖不煎鹽

次第工夫藉五壕

曬鹽之法穿地為五池以次相屬土人呼之為圈旁

亦稱竈戶

為一溝室其外候潮入蓄之汲貯第一池令滿曬五六
日引注第二池遞曬遞注至第四池則味漸鹹而為瀋
量適之稠稀準日以曝乃納之第
五池復曬視凝如雪霜則鹽成矣

大異浙東更淮北亦

寬背負及肩挑

附場居民掃括場地剩鹽肩挑背負三十斤以內者聽其就近販售亦所不禁

籌惟商與民胥便別悲情形在此遭

清明

曉發還章武晴和風日良望村深柳色撲馬愛年秧別
館軒齋近應時花木芳午過復微雨農兆卜其康

晴

清明不宜風宜雨昨日雨風皆有之傍晚風息似雨勝
隨亦無力收棼絲徹夜問雲至詰旦晨起猶陰旋放曦

一以為幸一以惜惟是籌農無射思

閱武

重鎮海疆守今來況始過因之觀素習可說不揚波結
隊明組練伸行列鸛鷺巡方應詰武行賞意猶多

海光寺

像設花宮坐大慈普陀彼此孰然疑可知海印發光處
正是如來按指時

賜直隸總督方觀承及其屬吏食因以示志

近臨及遠幸陸路與舟程胥自黃圖始常隨紫蓋行實
勞應示惠供逸莫頻營咨爾官箴勉毋孤循吏名

津水早春詞用錢陳羣韻並寄去命和之

香樹齋集偶披翻清虛婉約真除煩早春津水詞更美
正值三月停巡軒近海民計夙所廛幸看氣象猶飽溫
摩肩接踵日輻輳迎鑾出欲空巷村江南輿情一例篤
為憶詩客安詩魂當年慵書此閱歲每有佳句無斧痕
自從歸去樂桑苧直沽塌淀空潺湲詩筒遐寄俾賡韻

睨然南望紛川原

西沽二首

西沽三水滙流處南北運河清貫中徒恃隄防寧有是
要當善導俾宣通

郡城清曉返巡鑾迤邐西沽榮馬觀行過煙村大隄接
御舟早已候河干

月

暮色暖熹微蟾光映水輝岸紋清可掬舲影淨相依不

共波流去寧留天際飛檣燈遠浦見江國認幾希

閱筐兒港減水壩

導流還濟運

聖訓久昭垂

壩臺上有
導流濟運碑建亭敬奉
皇祖御書

夏備減漲用春

來斷港時酌中誠已善籌外小資治

北運河遇夏秋盛
漲時藉筐兒港王

家務兩減河分洩由壩河淀七里海入海舊時壩身出水處高於引河七尺以致減水跌落成坑今諭方觀承
接築十五丈使坦
坡漸下以導其勢

敢曰

繼繩凜安民意塵斯

南苑

路便臨南苑春郊試小蒐
草輕馬逾疾弓燥手還柔
業已三年閱因教四日留
前題巡壁讀祇覺歲時適

問和親王尚能馬射否
辭以僻病因成是什誌興

僻病爾我同馬射我勝爾

適年因僻痛不事步射然每
遇行圍馬上命中則仍如昔

也邨忘卅年前逐兔爭馳
此滿眼領兒孫蒼顏對兄
弟然豈可言老承

歡永

萱卮圖逸爾或可習勞我難委一圍連中

去聲三十三日

紅門至舊衙門途中
行圍連射三兔中之

亦足言止矣

德壽寺

收圍臨竺宇屏息禮金身松柏祇如舊殿庭已煥新

是寺

曾遭回祿因重造
今仍金碧煥然

遷中有常住義處即能仁

習武義之
屬故云

古鼎益蔚翠

殿前古鼎巍然翠
色可愛向曾有詩

那知秋復春

舊衙門行宮即事

衙門傳是建前朝提督於斯駐豎貂作我行宮還覺侈

知他國政易淪消庭餘古樹陰猶昔砌繞新苔色報韶
虛牖已拋三閱歲蟾光仍此傍清宵

永慕寺

皇祖建斯寺追思

莊后遙向年重葺宇

在甲申

此日又憑寮梵樂僧迎奏

此寺

向設喇嘛僧

風幡心與飄問予永慕者欽曰在

神堯

詠裕性軒前玉蘭樹

玉為體質蘭為馥風韻偏饒秀且森三十年前春色在
對花郎是去來今

儻然來值儻然開一樹庭前萬玉皚不是前身是江令
安能頃刻辦斯哉

澹思書屋

裕性齋傍屋斯惟小勝之猶嫌十笏闊恰置一窓宜外
景亦非遠中情雅得怡芸編供枕藉總是澹思時

陶春室

媽紅姹紫意方豪
靜室盎然值此遭
欲問此前司化者
昌昌春色作何陶

古秀亭

曲廊角有亭亭迴
廊級登都無十餘步
儼具高下形培塿
孰卑低泰山孰峻
增安名與立字總
屬人呼稱何當去
言詮澹然無外營
古亭秀而野坐此
悅性靈

即事襟詠

即事無題觸緒成
此行水陸歷行程
往還廿日消一瞬

羸幾篇詩作證盟

春郊小獵習軍儀
狡兔爰爰淺草陂
磬控雖仍能命中

去聲
自知不及少年時

清明之日雨兼風
休咎占農未定中
邇日雨稀風漸作

預為農慮劇憂忡

鳳河尾入大清河
渾刷清輪資用多
昨過野橋成斷港

疏源圖欲益澄波

鳳河發源南苑之團河其下游蕞永定河澄清之水歸大清河入海昨自

天津迴蹕過鳳河頗有斷流處因命疏濬源頭淤塞以資暢達

行宮三處各信宿各有前題泐壁間一晌從頭一讀遍
半應留耳半應刪

坐看窓影向西移窓外花開不讓時明日駕言御園返
緣曾出告敢逾期

微雨

三月十六日

昨夜風狂無雨望五鼓雨作風亦停晨起行宮動歸蹕
潤郊猶冒禁絲零秋麥已長春麥茁沿途綠意欣蔥菁
無何西北捲雲脚量來寸澤又未成亦知暮春之半農

期仍可待未免珍惜心怛怛

白雲觀

琳宇城郊外輕輿此重

去聲

過真花春爛漫仙樹古婆婆

懶問長生訣虛傳金籙科羽流嘆年老嗟爾術云何

住觀

道士李陽玉將八十歲每以年邁氣弱為嘆故戲及之

巡方返蹕至

暢春園問

安之作

往還消廿日言返敬詢

安

食履逾常泰超承實倍歡春郊雨滋麥澤國海恬瀾奏
博

慈顏豫仙園和氣團

晨雨

三月十七日

晨雨復微飄巡檐望迴霄雲猶時漏日風未不鳴條如
是遷延過原成朗霽消晴難期亦已陰弗霈無聊

題陳容九龍圖

奇筆驚看陳所翁畫龍性訝與龍通劈開硤石倒流水
噴出湫雲浮御空變化老聃猶可肖形容居窠詎能工
乾元用九義爻象豈在三三拘數中

題金廷標仿陳容九龍圖即用題陳畫韻

棲霞山樹會昌翁陽數神模概可通謂若無翻驚乍有
不鄰虛復解搏空羣從定是超雲伯大需寧須藉雨工
陳固似哉張似否壁飛作霽望顒中

晚雨

晨風吹雨去晚風吹雨來
電聲漸密牛蹄涔積階濯
紅芳滿花浥綠潤到苔
將謂靈久延大田一犁皆無何
西北天復覺雲脚開蓬蓬勢更張
惜望徒徘徊

御園暮春

御園駐蹕返巡方
邇日心懷欠悅康
祇慮面從慎庶政
卽因背過惜羣芳
嘆無好雨春將暮
剩有殘花風更殃
萬里軍情重
繼念佳兵戒亦武
應揚

緬夷僻在荒陬初未嘗欲興師勤遠昨莽匪既平其
首惡竄入緬境自當向彼索逋且楊應琚抵滇後即
奏稱緬夷連年擾及近邊歷任督臣姑息貽患不可
不窮究根株適木邦蠻暮等相率投誠遂以為有可
乘之機急欲籌辦意亦未為不善乃受降以後漫無
成算致緬夷復侵歸附之區新街小挫楊應琚即憂
惶成疾李時升朱崙等惟事畏葸退縮賊衆益無忌
憚更入內地凌犯土司楊應琚病惜失智屢據綠營

欺詐之報飾詞入告謂已殺賊萬餘且云緬酋乞降
欲圖罷兵歲事經朕察其舛謬支離嚴切詰問始將
詐妄實情自陳請罪並稱緬夷一面詐降一面仍闌
入抄掠是欺朦失律之提鎮不可不嚴懲調度乖方
之督臣不可不更易而緬夷之鴟張稔惡尤不可不
興師問罪因命將軍公明瑞前往總督滇黔整勵戎
行用張捷伐以申國威而靖邊徼

時哉行

時哉時哉昨日過去明日未來過去者既堂堂而逝矣
未來者亦冉冉其迅兮變通者趨也無咎者因之日中
必焚黃帝著辭上得於天詎惟要術也歟先天弗違後
天奉斯好從事而亟失何能誣我宣尼

豐澤園演耕作

耕藉必演耕重農勤一再演者引以習精義固有在推
返雖易事思艱惟耜耒詩詠來年貽書稱土物愛緬想
卅年前從行此承

誨

春耦齋

弄田耕罷憩華齋
宴坐芸窓却惆懷
為憶良農勤畝畝
茅檐安得暫閒佳

豐澤園

亭榭各標額
總名豐澤園

當年塵農圃

園規制樸素環以桑
往稻畦建為幾暇
勸課農桑之所因

皇祖時賜

名豐澤云
此日緬

文言適以習耕至對斯古屋存何當霈甘雨生意攬前
軒

植秀軒

望之漠泊即之遠軒榭如登綠玉臺設以菁莪興植秀
育斯亦願得真材

北岸望瀛臺不至

輕輿北岸望瀛臺樹亦陰森花亦開却以作風遊興懶

况吾本不為遊來

去聲

淑清院

液池東北角來往必由斯景淑昌百卉境清恒四時席
猶未暇暖輦又向前移世若稱太始
太清之始日月
淑清出淮南子吾
方愧對之

題韻古堂

斯民三代語難刪每至溪堂輒赧顏韻古要當行古道
豈關十二鑄鐘間

千尺雪

澎湃奔流赴澗灣青蒲白芷漾潺湲如云雪裏寧有此
答在仙家日月間

耕藉日祭

先農壇禮成有述

歲紀日躔合六宗

典祀徵敢云禮儀習惟是敬勤增粒食敷

天錫帛

裡恭己承密雲猶未雨顒冀轉難勝

微雨

三月廿八日

過午雲低宇又無風起蘋飄零刮濕地倏忽露高旻其
奈澤成假惟增愁是真未霑分寸際慙愧說依旬


題楊大章碧桃翠雀

種樹早聞和露潤開花偏是帶冰紋翠禽擇木棲方穩
相喚飛朋意甚勤



御製詩三集卷六十四

財團
法人
佛陀教育基金會
釋淨空
敬贈




總校官庶吉士臣侍 朝
校對官檢討臣龔大萬
騰錄貢生臣張子誠



御製詩三集卷六十四

財團
法人
佛陀教育基金會
釋淨空
敬贈



總校官庶吉士臣侍 朝
校對官檢討臣龔大萬
謄錄貢生臣張子誠